

BOSNA I HERCEGOVINA
Ministarstvo vanjskih poslova



БОСНА И ХЕРЦЕГОВИНА
Министарство иностраних послова

09/2-2-16-8-1076/19

**POZIV ZA DOSTAVLJANJE PONUDA ZA NABAVKU USLUGA
HOTELSKOG SMJEŠTAJA
(USLUGE IZ ANEKSA II DIO B ZAKONA O JAVNIM NABAVKAMA)**

Januar/Februar 2019. godine

1. Podaci o ugovornom organu

Ugovorni organ: Ministarstvo vanjskih poslova Bosne i Hercegovine

Adresa: Musala 2, 71000 Sarajevo, BiH

Identifikacijski broj: 4200950590002

Detaljna adresa za korespondenciju: Ministarstvo vanjskih poslova Bosne i Hercegovine, Musala 2, 71000 Sarajevo, Bosna i Hercegovina

Telefon: +387 (0)33 281-268

Faks: +387 (0)33 227-156

E-mail: srdjan.vukovic@mvp.gov.ba

Web stranica: www.mvp.gov.ba

2. Podaci o osobi zaduženoj za komunikaciju (kontakt osoba, broj telefona i adresa e-pošte)

Ovlaštena osoba koja će voditi komunikaciju u ime ugovornog organa sa ponuđačima: Srđan Vuković, Tel. +387 (0)33 281-268, e-mail adresa: srdjan.vukovic@mvp.gov.ba.

3. Podaci o postupku javne nabavke

Postupak javne nabavke odobren je i pokrenut odlukom broj:09/2-2-int-7-1/19 od 04.01.2019. godine. Radi se o postupku za dodjelu ugovora za nabavku usluga hotelskog smještaja na koje se primjenjuje poseban režim u skladu sa članom 8. stav (1) i (2) Zakona o javnim nabavkama. Postupak dodjele ugovora vrši se u skladu sa odredbama Pravilnika o postupku dodjele ugovora o uslugama iz Aneksa II dio B Zakona o javnim nabavkama (Službeni glasnik BiH broj: 66/16 od 06.09.2016. godine).

4. Opis predmeta nabavke

Predmet nabavke je pružanje usluga smještaja ambasadora na pripremama u hotelima sa 3 (tri) i više zvjezdica na području Sarajeva / Istočnog Sarajeva, za potrebe Ministarstva vanjskih poslova BiH. (detaljna specifikacija je navedena u Prilogu 1- Obrazac za cijenu ponude).

Mjesto pružanja usluga je izabrani hotel na području Sarajeva / Istočnog Sarajeva.

U ponudi dobavljač treba navesti cijenu noćenja sa doručkom i dnevnim prevozom (od hotela do sjedišta ugovornog organa i nazad) u jednokrevetnoj sobi sa boravišnom taksom i osiguranjem. Tokom trajanja ugovora i korištenja usluga

smještaja dobavljač u dane kada korisnik usluge bude službeno odsutan (radni dani i vikend) neće obračunavati i naplaćivati uslugu smještaja.

Vrsta postupka: postupak nabavke usluga iz Aneksa II dio B

Oznaka i naziv iz jedinstvenog rječnika javnih nabavki:

55110000-4 –usluge hotelskog smještaja

5. Tehničke specifikacije predmeta nabavke

Tehnička specifikacija predmeta nabavke je sastavni dio ovog poziva i data je u prilogu (Prilog I) poziva.

6. Period na koji se zaključuje ugovor/da li se zaključuje za jednokratno izvršenje usluge ili na duži period

Ugovor za nabavku usluga hotelskog smještaja zaključuje se na period od 12 mjeseci od dana potpisivanja.

7. Uslovi za kvalifikaciju u smislu lične sposobnosti (čl.45 ZJN) i dokazi koji se traže

Ponuđač je dužan u svrhu dokazivanja lične sposobnosti dokazati da :

a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;

d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti **popunjenu i ovjerenu kod nadležnog organa** izjavu koja je sastavni dio poziva (Prilog II). Izjava i njena ovjera ne smiju biti starije od 30 dana od dana predaje ponude.

Samo onaj ponuđač koji bude odabran kao najbolji u ovom postupku javne nabavke je dužan prije zaključivanja ugovora dostaviti sljedeće dokaze u svrhu dokazivanja činjenica potvrđenih u izjavi i to:

a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom . U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od **5 dana**, od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od **tri mjeseca**, računajući od momenta predaje ponude. Naime, izabrani ponuđač mora ispunjavati sve uslove **u momentu predaje ponude**, u protivnom će se smatrati da je dao lažnu izjavu iz člana 45. Zakona.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Sve dostavljene dokumente prije zaključivanja ugovora pregledat će i ocijeniti komisija koja bude nadležna i za provođenje postupka nabavke, o čemu će sačiniti i poseban zapisnik.

8. Ostali uslovi za kvalifikaciju (čl. 46. , 48. i 50. ZJN) u svrhu dokazivanja sposobnosti ponuđača i dokazi koji se traže

a.) u svrhu dokazivanja prava na obavljanje profesionalne djelatnosti, u skladu sa članom 46. Zakona, ponuđač mora dostaviti **dokaz o registraciji u odgovarajućem profesionalnom ili drugom registru u zemlji u kojoj je registrovan ili da obezbjedi posebnu izjavu ili potvrdu nadležnog organa kojom se dokazuje njegovo pravo da obavlja profesionalnu djelatnost**, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. **Dokazi koji se dostavljaju moraju biti originali ili ovjerene kopije;**

U svrhu dokazivanja uslova u pogledu tehničke i profesionalne sposobnosti (čl. 48 i 50. ZJN), ponuđači su dužni dokazati sljedeće:

- a) Hotel sa 3 (tri) ili više zvjezdica.

U svrhu dokazivanja uslova iz tačke a) ponuđač je dužan dostaviti sljedeće dokumente uz svoju ponudu:

- a.) kandidat je dužan dostaviti **original ili ovjerenu fotokopiju** rješenja izdatog od strane nadležnog organa o kategorizaciji hotela, kako bi dokazao da je hotel od minimalno 3 (tri) ili više zvjezdica.

9. Kriterij za izbor ponude

Kriterij za izbor ponude i dodjelu ugovora je **najniža cijena** – dodijelit će ugovor onom ponuđaču koji, nakon provedenog i okončanog postupka pregovaranja, ponudi najnižu cijenu za specificirane potrebne usluge.

10. Sadržaj i način pripreme ponude

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilichnom pismu. Pri pripremi ponude ponuđač se mora pridržavati zahtjeva i uslova iz ovog poziva. Ponuđač ne smije mijenjati ili nadopunjavati tekst poziva.

Ponuda mora sadržavati najmanje:

- a) Obrazac za cijenu ponude - Prilog I;
- b) Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama - Prilog II;
- c) Dokaze o ispunjavanju uslova sposobnosti ponuđača iz tačke 8.;
- d) Pismena izjava ponuđača iz člana 52. Zakona o javnim nabavkama-Prilog III;

11. Način dostavljanja ponude, adresa na koju se ponuda dostavlja i krajnji rok za dostavu ponuda

Ponuda, bez obzira na način dostavljanja, mora biti zaprimljena u ugovornom organu, na sljedećoj adresi: Ministarstvo vanjskih poslova Bosne i Hercegovine, Musala 2, 71000 Sarajevo, najkasnije do **05.02.2019. godine do 10.00 sati**.

Sve ponude zaprimljene nakon tog vremena su neblagovremene i kao takve, neotvorene će biti vraćene ponuđaču.

Ponude se predaju na protokol ugovornog organa ili putem pošte, na adresu ugovornog organa, u zatvorenoj koverti na kojoj, **na prednjoj strani koverta**, mora biti navedeno:

"Ponuda za pružanje usluga smještaja u hotelima sa 3 (tri) i više zvjezdica na području Sarajeva / Istočnog Sarajeva broj nabavke : 09/2-2-16-8-1076/19- ne otvarati"

Na zadnjoj strani koverta ponuđač je dužan da navede slijedeće:

Naziv i adresa ponuđača /grupe ponuđača.

Ponuda se čvrsto uvezuje na način da se onemogućiti naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućiti naknadno vađenje ili umetanje listova. Pod čvrstim uvezom podrazumijeva se uvezivanje **jemstvenikom** (notarskim konopcem) ili **knjiški čvrsti uvez sa koricama**.

Ponuda se obavezno dostavlja u jednom originalu i jednoj kopiji, s tim što kopija ponude može biti uvezana spiralnim uvezom ili u fasciklu.

Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio.

Ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji.

12. Period važenja ponude (opcija ponude)

Ponuda koja se dostavlja mora važiti minimalno **90 dana** računajući od dana krajnjeg roka za predaju ponuda definisanog u tački 11. ovog poziva.

Ukoliko ponuđač u ponudi ne navede rok važenja ponude, onda se smatra da je rok važenja ponude onaj koji je naveden u ovom pozivu (zahtijevan od strane ugovornog organa).

U slučaju da je period važenja ponude kraći od roka navedenog u tenderskoj dokumentaciji, ugovorni organ će odbiti takvu ponudu u skladu sa članom 60. stav (1) Zakona.

Ugovorni organ zadržava pravo da pismenim putem traži saglasnost za produženje roka važenja ponude. Ukoliko ponuđač ne dostavi pismenu saglasnost, smatra se da je odbio zahtjev ugovornog organa, te se njegova ponuda ne razmatra u daljem toku postupka javne nabavke.

13. Obrazac za cijenu ponude

Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Ukoliko Obrazac za cijenu ponude sadrži više stavki, ponuđač je dužan dati ponudu za sve stavke, vodeći pri tome računa da ukupan zbir cijena svih stavki u obascu ne može biti 0.

Cijena ponude obuhvata sve stavke iz obrasca za cijenu ponude (bez PDV-a).

Cijena ponude se piše brojevima i slovima. Cijena koju ugovorni organ prihvati nakon pregovora neće se mijenjati u toku trajanja ugovora. Ponuđena cijena treba da sadrži kompletnu cijenu za predmetnu uslugu sa svim uračunatim zavisnim troškovima, bez obzira i na eventualni ishod sudskog postupka.

Ukoliko ponuđač nije PDV obveznik, ne prikazuje PDV i u obrascu za cijenu ponude, na mjestu gdje se upisuje pripadajući iznos PDV-a, upisuje 0,00.

Posebno se prikazuje PDV na cijenu ponude. Na kraju se daje vrijednost ugovora (cijena ponude) + PDV.

Cijena ponude se izražava u konvertibilnim markama (BAM).

14. Datum i vrijeme za provođenje pregovaranja

Nakon što ugovorni organ formira komisiju nadležnu za vođenje postupka, imenovana komisija odredit će datum, vrijeme i mjesto za pregovaranje sa ponuđačima.

O utvrđenom datumu, vremenu i mjestu za provođenje pregovora ponuđači će biti blagovremeno obaviješteni. Pregovaranje će se obaviti pisanim putem na način da će se nakon evaluacije pristiglih ponuda i ocjene formalno pravnih uslova, zatražiti konačna ponuda i formirati rang lista najpovoljnijih kandidata.

PRILOZI:

- Obrazac za cijenu ponude - Prilog I;
- Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama - Prilog II;
- Pismena izjava ponuđača iz člana 52. Zakona o javnim nabavkama-Prilog III;



OBRAZAC ZA CIJENU PONUDE

Prilog I

NAZIV PONUDAČA: _____

Broj ponude: _____

Datum: _____

R.br	Opis usluge	Cijena usluge u KM	PDV u KM	UKUPNO (3+4) u KM
1.	2.	3.	4.	5.
1.	Noćenje sa doručkom i dnevnim prevozom (od hotela do sjedišta ugovornog organa i nazad) u jednokrevetnoj sobi u hotelu (sa boravišnom taksom i osiguranjem)			
	UKUPNO			

OVLAŠTENO LICE PONUDAČA

(potpis)

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koje ugovorni organ treba platiti ponuđaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlike između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.
5. Ovaj obrazac za cijenu ponude je jedan od mogućih opcija.

Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama („Službeni glasnik BiH broj: 39/14“)

Ja, niže potpisani _____ (ime i prezime), sa ličnom kartom broj: _____ izdatom od: _____, u svojstvu predstavnika privrednog društva ili obrta ili srodne djelatnosti, odnosno predstavnika ponuđača: _____ (navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (grad/općina), na adresi _____ (ulica i broj), kao kandidat/ponuđač u postupku javne nabavke _____ (navesti tačan naziv i vrstu postupka javne nabavke) a kojeg provodi ugovorni organ: _____ (navesti tačan naziv ugovornog organa), za koje je objavljeno obavještenje o javnoj nabavci (ako je objavljeno obavještenje) broj: _____ u Službenom glasniku BiH broj: _____, a u skladu sa članom 45. stavovima (1) i (4) **pod punom materijalnom i krivičnom odgovornošću**

IZJAVLJUJEM

Kandidat/ponuđač _____ u navedenom postupku javne nabavke, kojeg predstavljam, nije:

- a) Pravosnažnom sudskom presudom u krivičnom postupku osuđen za krivična djela organizovanog kriminala, korupcije, prevare ili pranja novca u skladu sa važećim propisima u BiH ili zemlji u kojoj je registrovan
- b) Pod stečajem ili je predmetom stečajnog postupka ili je pak predmetom postupka likvidacije
- c) Propustio ispuniti obaveze u vezi sa plaćanjem penzionog i invalidskog osiguranja i zdravstvenog osiguranja u skladu s važećim propisima u BiH ili zemlji u kojoj je registriran
- d) Propustio ispuniti obaveze u vezi s plaćanjem direktnih ili indirektnih poreza u skladu sa važećim propisima u BiH ili zemlji u kojoj je registrovan.

U navedenom smislu sam upoznat sa obavezom kandidata/ponuđača da u slučaju dodjele ugovora dostavi dokumente iz člana 45. stav (2) tačke od a) do d) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti, predstavlja krivično djelo predviđeno Krivičnim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (6) Zakona o javnim nabavkama u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Izjavu dao:

Mjesto i datum davanja izjave:

Potpis i pečat nadležnog organa:

M.P

IZJAVA IZ ČLANA 52. ZAKONA O JAVNIM NABAVKAMA

Ja, niže potpisani _____ (ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti (ponuđača) _____ (navesti položaj, naziv privrednog društva ili obrta ili srodne djelatnosti), ID broj _____, čije sjedište se nalazi u _____ (grad/općina), na adresi _____ (Ulica i broj), kao kandidat/ponuđač u postupku javne nabavke _____ (navesti tačan naziv i vrstu postupka javne nabavke) a kojeg provodi ugovorni organ _____ (navesti tačan naziv ugovornog organa), za koje je objavljeno obavještenje o javnoj nabavci (ako je objavljeno obavještenje) broj: _____ u Službenom glasniku BiH broj: _____, a u skladu sa članom 52. stav (2) Zakona o javnim nabavkama, **pod punom materijalnom i krivičnom odgovornošću**

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši ili se suzdržava od vršenja djela koje treba izvršiti on ili neko ko posreduje pri takvom podmićivanju službenog ili odgovornog lica.
3. Nisam dao, niti obećao dar ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ove izjave, svjestan sam krivične odgovornosti predviđene za krivična djela primanja i davanja mita i krivična djela protiv službene i druge odgovornosti i dužnosti utvrđene u Krivičnim zakonima Bosne i Hercegovine.

Izjavu dao:

Mjesto i datum davanja izjave:

Na osnovu Zakona o javnim nabavkama Bosne i Hercegovine ("Službeni glasnik BiH", broj: 39/14) i Pravilnika o postupku dodjele ugovora o uslugama iz Aneksa II. dio B ZJN ("Službeni glasnik BiH", broj 66/16), nakon provedenog poziva za dostavljanje ponuda za usluge iz Aneksa II. dio B ZJN a za nabavku usluga hotelskog smještaja zaključuje se:

UGOVOR ZA PRUŽANJE USLUGA HOTELSKOG SMJEŠTAJA

Bosna i Hercegovina, Ministarstvo vanjskih poslova Bosne i Hercegovine, (Musala 2, Sarajevo), zastupanog po ministru vanjskih poslova Crnadak Igoru (u daljnjem tekstu: ugovorni organ) i

- _____ sa sjedištem u _____
(naziv) (adresa)

zastupanog po _____ (u daljnjem tekstu: dobavljač).
(funkcija i ime prezime)

(obavezno ispuniti dole navedeno)

Registarski broj :

Transakcijski račun kod banke:

Identifikacijski broj:

Identifikacijski broj PDV :

Član 1.

Predmet ovog ugovora je pružanje usluga smještaja ambasadora na pripremama u hotelu na području Sarajeva / Istočnog Sarajeva za potrebe Ministarstva vanjskih poslova BiH, koje će dobavljač pružati nakon provedenog poziva za dostavljanje ponuda za usluge iz Aneksa II. dio B ZJN broj: 09/2-2-16-8-1076/19 godine, kao i Odluke ministra broj: _____ od 2019. godine, a na preporuku Komisije za javne nabavke i ponude dobavljača broj: _____ od 2019. godine, koja je ocijenjena na osnovu kriterija najniže cijene tehnički zadovoljavajuće ponude, te je i sastavni dio ugovora.

Član 2.

Ukupna vrijednost ugovora, iznosi do 30.000,00 KM sa PDV-om.

Cijena smještaja u jednokrevetnoj sobi sa doručkom i dnevnim prevozom (od hotela do sjedišta ugovornog organa i nazad) sa boravišnom taksom i osiguranjem, na području Sarajeva / Istočnog Sarajeva bez PDV-a iznosi:

_____ KM

Slovima: (_____ i ___ /100 KM)

PDV 17%:

_____ KM

Slovima: (_____ i ___ /100 KM)

Ukupna cijena sa PDV-om iznosi:

_____ KM

Slovima: (_____ i ___ /100 KM)

Ugovorni organ će koristiti usluge smještaja u hotelu na području Sarajeva / Istočnog Sarajeva, a shodno svojim stvarnim potrebama. **U slučaju da se iznos stava 1. ovog člana ne realizuje u cijelosti neće se to smatrati neispunjenjem obaveza**, obzirom da se ne može unaprijed znati plan i dinamika ostvarivanja ovog predmeta nabavke.

Cijene iz člana 2. ovog ugovora neće se mijenjati tokom njegovog trajanja.

Član 3.

Vrijednost pojedinačnih ugovora, podrazumjeva: vrijednost noćenja sa doručkom u jednokrevetnoj sobi, a sve prema pismenom ili usmenom zahtjevu ugovornog organa.

Član 4.

Dobavljač se obavezuje:

1. Da će u skladu sa odredbama ugovora usluge pružati sukcesivno i kontinuirano u skladu sa pojedinačnim zahtjevima ugovornog organa;
2. Da obezbjedi uslugu smještaja u hotelu za uposlenike ugovornog organa u roku 24 sata od prijema zahtjeva za rezervaciju;
3. Dobavljač s kojim bude zaključen ugovor dužan je korisnicima ugovornog organa osigurati prilikom korištenja hotelskog smještaja odgovarajući meni za doručak, koji je uključen u ukupnu cijenu;
4. Da zahtjeve za hotelskim smještajem za uposlenike ugovornog organa prima i usmeno, odnosno putem telefona;
5. **Tokom trajanja ugovora i korištenja usluga smještaja u dane kada korisnik usluge bude službeno odsutan (radni dani i vikend) neće obračunavati i naplaćivati uslugu smještaja.**

6. Da usluge fakturiše u ugovorenim rokovima, na osnovu otpremnih dokumenata, potvrđenih od strane ugovornog organa da su usluge izvršene i to na dan izvršenja istih;
7. Na nepromjenjivost cijene tokom trajanja ugovora.

Član 5.

Dobavljač se obavezuje na pružanje usluga ugovornom organu na način kako je to utvrđeno, u traženom obimu i u dogovoreno vrijeme, a sve u skladu sa uslovima iz tenderske dokumentacije i prihvaćenom ponudom dobavljača broj: _____ od _____ 2019.godine.

Član 6.

Ugovorni organ se obavezuje da će dobavljaču isplatiti cijenu za pruženu uslugu, na račun broj: _____, koji on ima otvoren kod _____ banke, u roku do 30 (trideset) od dana dostavljanja računa od strane dobavljača.

Član 7.

Dobavljač se obavezuje da će usluge pružati u skladu sa zahtjevima ugovornog organa i da će odmah postupiti po eventualnim primjedbama u pogledu nedostataka u kvalitetu izvršenih usluga, a ugovorni organ je dužan da dostavi pisano obavještenje o svakom propustu dobavljača.

Član 8.

Ugovor se zaključuje na period od 12 mjeseci od dana obostranog potpisivanja.

Član 9.

Ukoliko dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog ugovora i uslova ponude, ugovorni organ može jednostrano raskinuti ugovor s dobavljačem, uz pisano obavještenje.

Član 10.

Odredbe ovog ugovora ne mogu se mijenjati nakon njegovog zaključenja.

Član 11.

Ovaj ugovor stupa na snagu danom obostranog potpisivanja od strane ovlaštenih lica ugovornih strana.

Član 12.

Na odnose koji eventualno nisu uređeni ovim ugovorom primjenjivati će se odredbe Zakona o obligacionim odnosima.

Član 13.

Ugovorne strane su saglasne da će eventualne sporove iz ovog ugovora rješavati sporazumno, a u slučaju spora nadležan je Sud Bosne i Hercegovine.

Član 14.

Ovaj ugovor je sačinjen u 4 (četiri) istovjetna primjerka od kojih svaka od ugovorenih strana zadržava po 2 (dva) primjerka.

ZA UGOVORNI ORGAN

ZA DOBAVLJAČA

MINISTAR

Broj: _____

Broj: _____

Sarajevo, _____

NAPOMENA:

Konačna verzija ovog ugovora sačinjit će se po izboru najpovoljnijeg dobavljača.